

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
GRAD BIHAĆ
GRADONAČELNIK

Broj: 07/2-05-_____/2018.

Bihać, 05.04.2018.

Na osnovu člana 140. Poslovnika o radu Gradskog vijeća (Službeni glasnik Grada Bihaća broj 3/16) i člana 52. stav 1 tačka b) Statuta Grada Bihaća (Službeni glasnik Grada Bihaća broj 13/15), Gradonačelnik, u svojstvu predlagača odluka i drugih akata

O d r e đ u j e

I z v j e s t i o c a mr. sci Alisu Mahmutagić na sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o potvrđivanju rezultata ponovnih izbora za članove savjeta mjesnih zajednica i predsjednike mjesnih zajednica Skočaj i Zavalje

GRADONAČELNIK
Šuhret Fazlić

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
GRAD BIHAĆ
GRADONAČELNIK

Broj: 07/2-05-_____/2018

Bihać, 05.04.2018.

GRADSKO VIJEĆE

PREDMET: Prijedlog Odluke o potvrđivanju rezultata ponovnih izbora za članove savjeta mjesnih zajednica Skočaj i Zavalje

Na osnovu člana 140. Poslovnika Gradskog vijeća Grada Bihaća (Službeni glasnik Grada Bihaća broj 3/16), dostavljam vam na usvajanje prijedlog Odluke o potvrđivanju rezultata izbora za članove savjeta mjesnih zajednica i predsjednike mjesnih zajednica Skočaj i Zavalje uz sljedeće

O b r a z l o ž e n j e

I PRAVNI OSNOV

Pravni osnov za donošenje Odluke o potvrđivanju rezultata izbora za članove savjeta mjesnih zajednica i predsjednike mjesnih zajednica Skočaj i Zavalje sadržan je u članu 35 stav 1 tačka c) Statuta Grada Bihaća ("Službeni glasnik Grada Bihaća" broj 13/15) kojim je propisano da Gradsko vijeće donosi odluke i druge opće akte kojima uređuje pitanja iz samoupravnog djelokruga Grada i članu 92. stav (1) Statuta Grada Bihaća kojim je propisano da rezultate izbora za članove Savjeta mjesne zajednice potvrđuje Gradsko vijeće. Stavom (2) navedenog člana propisano je da će Gradsko vijeće donijeti odluku o potvrđivanju rezultata izbora ako je u svakoj mjesnoj zajednici na izbore izišla 1/10 birača upisanih u centralni birački spisak za područje mjesne zajednice ili najmanje 50 (pedeset) birača u kojima je 1/10 birača manja od broja 50, te ispoštovane procedure utvrđene odlukom o raspisivanju izbora.

II RAZLOZI ZA DONOŠENJE ODLUKE

Razlog za donošenje ove Odluke je potvrđivanje rezultata ponovnih izbora za članove savjeta i predsjednike mjesnih zajednica održanih 24.02.2018. godine i omogućavanje kontinuiteta rada mjesnih zajednica nakon održanih izbora.

III POJAŠNJENJE PRIJEDLOGA

Nakon održanih izbora za članove savjeta i predsjednike mjesnih zajednica sa područja grada Bihaća u decembru 2017. godine, u mjesnim zajednicama Ozimice I, Jezero-Privilica, Skočaj, Zavalje i Žegar nisu se stekli uvjeti za potvrđivanje rezultata izbora, te su stoga održani ponovni izbori dana 24.02.2018. godine. Na ponovnim izborima u mjesnim zajednicama Skočaj i Zavalje stekli su se uvjeti za potvrđivanje rezultata izbora iz člana 92. stav 2 Statuta, dok u mjesnim zajednicama Ozimice I i Žegar, uprkos većem broju glasača u odnosu na prethodno provedene izbore, ponovno nije glasao dovoljan broj građana, odnosno 10% od broja birača upisanih u izvod iz centralnog biračkog spiska za područja mjesnih zajednica. U mjesnoj zajednici Jezero-Privilica na izborima je glasao dovoljan broj građana. Međutim, izbori su poništeni od strane Komisije za žalbe Gradskog vijeća Bihać.

S obzirom da su se stekli uvjeti za potvrđivanje rezultata izbora u mjesnim zajednicama Skočaj i Zavalje, predlaže se donošenje Odluke o potvrđivanju rezultata izbora, dok se za mjesne zajednice Ozimice I, Jezero-Privilica i Žegar predlaže donošenje Odluke o ponovnom raspisivanju izbora.

IV FINANSIJSKA SREDSTVA

Ova Odluka neće izazvati finansijske efekte.

V PRIJEDLOG

S obzirom na navedeni pravni osnov i razloge donošenja predlažem da Gradsko vijeće predloženu Odluku razmotri i usvoji u prezentiranom tekstu.

Dostavljeno:

1. Naslovu
2. Evidencija
3. a/a

GRADONAČELNIK

Šuhret Fazlić

Na osnovu člana 92. Statuta Grada Bihaća ("Službeni glasnik Grada Bihaća" broj 13/15) i člana 29. Odluke o raspisivanju izbora za članove savjeta mjesnih zajednica i predsjednike mjesnih zajednica ("Službeni glasnik Grada Bihaća" broj 13/17), Gradsko vijeće Grada Bihaća, na ---. sjednici održanoj dana ----- 2018. godine, donijelo je:

O D L U K U
o potvrđivanju rezultata izbora za predsjednike mjesnih zajednica i
članove savjeta mjesnih zajednica

Član 1.

Na osnovu izvještaja o rezultatima glasanja broj GV-05-7944-39 od 27.02.2018. godine, ovom Odlukom potvrđuju se rezultati ponovnih izbora za predsjednike mjesnih zajednica i članove savjeta mjesnih zajednica Skočaj i Zavalje održani dana 24. februara 2018. godine kako slijedi:

MZ SKOČAJ (pet članova savjeta)		
r.br	Ime, ime jednog roditelja, prezime	Funkcija
1.	Stipe (Mile) Prša	predsjednik
2.	Kata (Nikola) Dejanović	član savjeta
3.	Ružica (Ivan) Rogić	član savjeta
4.	Stipe (Ivan) Živković	član savjeta
5.	Kata (Ivan) Bilić	član savjeta

MZ ZAVALJE (pet članova savjeta)		
r.br.	Ime, ime jednog roditelja, prezime	Funkcija
1.	Marijan (Ivan) Prša	predsjednik
2.	Marko (Mile) Veljača	član savjeta
3.	Amra (Đulaga) Selimović - Perišić	član savjeta
4.	Ana (Roko) Bujanović	član savjeta
5.	Safija (Murat) Budimlić Safa	član savjeta

Član 2.

(1) U mjesnim zajednicama Jezero-Privilica, Ozimice I i Žegar na izbore nije izašao dovoljan broj građana, te nisu ispunjeni uvjeti za potvrđivanje rezultata izbora iz člana 91. stav 2 Statuta.

(2) U mjesnim zajednicama iz stava 1 ovog člana donijet će se odluka o ponovnom raspisivanju izbora u roku od 30 dana od dana stupanja na snagu ove Odluke.

Član 3.

(1) Mandat predsjednika i članova savjeta mjesnih zajednica traje četiri godine i teče od dana stupanja na snagu ove Odluke.

(2) Izabrani predsjednici i članovi savjeta mjesnih zajednica dužni su potpisati izjave o prihvatanju mandata.

(3) U roku od 15 dana od dana stupanja na snagu Odluke održat će se konstatirajuća sjednica savjeta mjesnih zajednica na kojim će se izvršiti primopredaja dužnosti između starog i novog rukovodstva mjesne zajednice.

(4) Od dana konstituisanja savjeta mjesnih zajednica, predsjednici i članovi savjeta mjesnih zajednica stiču prava i dužnosti utvrđena Statutom Grada Bihaća i Statutom mjesne zajednice.

Član 4.

Danom stupanja na snagu ove Odluke prestaje mandat dosadašnjim predsjednicima i članovima savjeta mjesnih zajednica Skočaj i Zavalje.

Član 5.

Ova Odluka stupa na snagu osmog dana od dana objavljivanja u Službenom glasniku Grada Bihaća.

Broj: _____
Bihać, _____

Predsjedavajući Gradskog vijeća
Davor Župa